

Cynnwys

Cynnwys	
Rhaglen	2
Cofnodion y cyfarfod diwethaf	5
4 - Adroddiad y Swyddog Morwrol a Pharciau Gwledig	15
Atodiad 1 - Cylch Gorchwyl	17
Atodiad 2 - Chwyddiant 2014-15	19
Atodiad 3 - Ffioedd Aberdyfi-2014-15	21
Atodiad 4 - Ffioedd Abermaw-2014-15	22
Atodiad 5 - Ffioedd a Thaliadau Cyffredinol 2014-15	23
Atodiad 6 - Ffioedd Lansio a Chofrestru Cychod Pŵer & Badau Dŵr Personol	24
Atodiad 7 - Canlyniadau Dwr Ymdrochi Bermo 2013	25
Atodiad 8 - Canlyniadau Dwr Ymdrochi Fairbourne 2013	28



Gwasanaeth Democraidd / Democratic Service
Swyddfa'r Cyngor
CAERNARFON
Gwynedd
LL55 1SH

Cyfarfod / Meeting

PWYLLGOR YMGYNGHOROL HARBWR ABERMAW
BARMOUTH HARBOUR CONSULTATIVE COMMITTEE

Dyddiad ac Amser / Date and Time

10.30 a.m. DYDD IAU, 20 MAWRTH 2014

10.30 a.m. THURSDAY, 20 MARCH 2014

Lleoliad / Location

Theatr y Ddraig / Dragon Theatre
ABERMAW / BARMOUTH

Pwynt Cyswllt / Contact Point

GLYNDA O'BRIEN

: **GlyndaOBrien@gwynedd.gov.uk**

01341 424 301

Dosbarthwyd: 12.03.14

AELODAETH / MEMBERSHIP

Y Cyng. Gethin Glyn Williams	Aelod Tref Abermaw Member from Barmouth Town Council
Y Cyng. Louise Hughes	Aelod o Llangelynnin Member from Llangelynnin
Y Cyng. Eryl Jones-Williams	Aelod o Ddyffryn Ardudwy Member from Dyffryn Ardudwy
Y Cyng. R. A. Williams) Y Cyng. Lark Davies)	Aelodau o Gyngor Tref Abermaw Members of Barmouth Town Council
Y Cyng. Eric John Wilding	Aelod o Gyngor Cymuned Arthog Member of Arthog Community Council
Mr John Johnson	Aelod o Gymdeithas Pysgodfeydd Môr Abermaw a Bae Ceredigion Member of Barmouth and Cardigan Bay Sea Fisheries Association
Mr Llew Griffin	Aelod o Glwb Hwyllo Meirionnydd Member of Merioneth Yacht Club
Mr David Bailey	Aelod o Cymdeithas y Bad Achub Member of the Royal National Lifeboat Institution
Ms Wendy Ponsford	Aelod o Gymdeithas Defnyddwyr Harbwr a Moryd Abermaw Member of Barmouth Harbour & Estuary Users Association
Sylwedyddion / Observers:	
Y Cyng. / Cllr. R. J. Wright	Pwyllgor Ymgynghorol Harbwr Pwllheli / Pwllheli Harbour Consultative Committee
Dr J Jones Morris	Pwyllgor Ymgynghorol Harbwr Porthmadog / Porthmadog Consultative Harbour Committee
Cyng. /Cllr David Richardson	Pwyllgor Ymgynghorol Harbwr Aberdyfi / Aberdyfi Consultative Harbour Committee

R H A G L E N

1. **Ymddiheuriadau**

2. **Datgan Cysylltiad Personol**

3. **Cofnodion**

I dderbyn a nodi cofnodion y cyfarfod o'r Pwyllgor Ymgynghorol Harbwr Abermaw gynhaliwyd ar y 21 Hydref 2013.

(Atodiad 1 - Papur Gwyn)

4. **Adroddiad y Swyddog Morwrol**

I dderbyn ac ystyried adroddiad y Swyddog Morwrol, Mr Barry Davies.

(Atodiad 2 - Papur Gwyrdd)

5. **Materion i'w hystyried ar gais aelodau o'r Pwyllgor Ymgynghorol**

I dderbyn adroddiadau llafar gan y swyddogion priodol ar y materion canlynol:

- (a) I drafod y posibilrwydd o sefydlu Ymddiriedolaeth Harbwr
- (b) Cyflwr y Traethau
- (c) Diweddariad ynglyn â'r Faner Las

6. **Dyddiad Cyfarfod Nesaf**

I nodi y cynhelir cyfarfod nesaf y Pwyllgor Ymgynghorol Harbwr Abermaw ar ddydd Iau, 16 Hydref 2014.

Cofnodion cyfarfod Pwyllgor Ymgynghorol Harbwr Abermaw gynhaliwyd ar y 21 Hydref 2013 yn Theatr y Ddraig, Abermaw

YN BRESENNOL

Y Cyngorwyr Louise Hughes, Eryl Jones-Williams, Gethin Glyn Williams, (Cyngor Gwynedd), Y Cyng. Lark Davies, R A Williams (Cyngor Tref Abermaw), Mr John Johnson (Cymdeithas Pysgodfeydd Môr Abermaw a Bae Ceredigion), Mr Llew Griffin (Clwb Hwyllo Meirionnydd), Mr Mark James (Cymdeithas y Bad Achub), Mrs Wendy Ponsford (Cymdeithas Defnyddwyr Harbwr a Moryd Abermaw)

Sylwedydd: Y Cyng. David Richardson (Pwyllgor Ymgynghorol Harbwr Aberdyfi)

Swyddogion

Mr Llyr B. Jones	-	Uwch Reolwr Economi a Chymuned
Mr Barry Davies	-	Swyddog Morwrol a Pharciau Gwledig
Mr Glyn Jones	-	Harbwr Feistr
Mr Huw Davies	-	Prif Beiriannydd
Mrs Glynda O'Brien	-	Swyddog Cefnogi Aelodau a Chraffu
Mrs Mererid Watt	-	Cyfieithydd

Ymddiheuriadau:

Y Cyng. John Wynn Jones (Aelod Cabinet), Eric Wilding (Cyngor Cymuned Arthog), Mr David Baily (Cymdeithas y Bad Achub)

1. **ETHOL CADEIRYDD**

Penderfynwyd: Ail-ethol y Cyngorydd Gethin Glyn Williams i'r Gadair am y flwyddyn 2013-14.

2. **ETHOL IS-GADEIRYDD**

Penderfynwyd: Ethol y Cyngorydd Eryl Jones-Williams yn Is-gadeirydd y Pwyllgor hwn am y flwyddyn 2013-14.

3. **DATGAN BUDDIANT PERSONOL**

Datganodd y Cyngorydd Gethin Williams a Mrs Wendy Ponsford fuddiant personol mewn unrhyw fater a drafodir yn ymwneud â'r Clwb Hwyllo gan eu bod yn Aelodau o'r Clwb.

4. **COFNODION**

Cyflwynwyd: Cofnodion cyfarfod Pwyllgor Ymgynghorol Harbwr Aberdyfi gynhaliwyd ar y 19 Mawrth 2013.

Penderfynwyd: Derbyn a chymeradwyo'r cofnodion fel rhai cywir.

4.1 **MATERION YN CODI O'R COFNODION**

- (a) **Trwyn Penrhyn, Fairbourne** – Adroddwyd bod y pryder ynglyn â rheolaeth dros y lle cyn tir lle mae faniau yn gweryslla dros nos ym Mhwynt Penrhyn wedi ei gyfeirio er sylw'r Pwyllgor Craffu Cymunedau.

Penderfynwyd: Derbyn a nodi'r uchod.

5. **ADRODDIAD Y SWYDDOG MORWROL**

Cyflwynwyd: Adroddiad y Swyddog Morwrol, Mr Barry Davies ar weithgareddau harbwr Abermaw gyda chyfeiriad penodol at y canlynol:-

(A) Pwyllgorau Ymgynghorol Harbyrau

(i) Cyfeiriwyd at adroddiad yr Aelod Cabinet a gyflwynwyd i'r Cabinet ar 17 Medi 2013 i ddiweddarau trefniadau gweithredu ac atebolwydd dyletswyddau rheoli Harbyrau'r Sir yn unol â Chod Diogelwch Morwrol.

(ii) Gosododd yr Uwch Reolwr Economi a Chymuned y cyd-destun drwy nodi bod y Cod Diogelwch Morwrol yn berthnasol i bob awdurdod Harbwr ac yn gosod safon genedlaethol ar gyfer diogelwch morwrol porthladdoedd er budd diogelwch rhai sydd yn gweithio a defnyddio'r porthladdoedd, cychod, teithwyr a'r amgylchedd. Cyfeiria'r Cod at ddyletswyddau penodol ac yn sgil newid trefniadau llywodraethu'r Cyngor o Fwrdd i Gabinet y llynedd rhaid sicrhau bod trefniadau'r Cyngor yn unol â gofynion y Cod. Tynnwyd sylw at y tair elfen berthnasol o'r Cod sef atebolwydd am ddiogelwch morwrol, dogfennau a'r Pwyllgorau Harbwr. O safbwynt atebolwydd am ddiogelwch morwrol noda'r canllawiau bod Deilydd Cyfrifoldeb ar ran yr awdurdod Harbwr yn atebol am reoli gweithgareddau o fewn yr Harbwr ac argymhellwyd mai'r Cabinet fyddai yn ymgymryd a'r cyfrifoldeb hwn.. Rol y Deilydd Cyfrifoldeb fyddai:

- Cymryd gorolwg strategol a chyfeiriad i weithgareddau'r Harbwr gan gynnwys diogelwch morwrol
- Cyfrifoldeb am ddatblygu polisiau, cynlluniau, systemau a gweithdrefnau
- Sicrhau fod asesiadau ac adolygiadau yn cael eu cynnal
- Sicrhau fod yr awdurdod harbwr yn gorfodi rheoliadau, ac yn gosod trefniadau ariannol priodol

Roedd yn sylfaenol i adnabod "Person Dynodedig" allanol i gymryd gorolwg annibynnol bod y gyfundrefn rheoli diogelwch yn gweithredu'n effeithiol ac i archwilio cydymffurfiaid yr awdurdod â'r Côt. Rhagwelir y byddai'r "Deilydd Cyfrifoldeb" yn cyflwyno adroddiad blynyddol i'r Cabinet ar berfformiad a gweithgareddau'r gwasanaeth. Yn unol â swyddogaethau'r cod y "Prif Swyddog" fydd Rheolwr Gwasanaeth Morwrol a'r "Harbwr Feistr" fyddai'r Harbwr Feistri yn Abermaw, Aberdyfi, Porthmadog a Phwllheli sydd wedi eu penodi o fewn y Gwasanaeth Morwrol.

(iii) Noda'r Côt yr angen i ymgynghori gyda phartion priodol ynglyn â gweithgareddau'r Harbwr ac ystyriwyd bod cyfle i ddiweddarau trefniadau'r Pwyllgorau Harbwr ac i fabwysiadu cyfansoddiad safonol a meysydd gwaith yn unol â chanllawiau'r cod.

(iv) Cyfeiriwyd a thywyswyd yr Aelodau drwy gylch gorchwyl penodol a luniwyd gan yr Uned Gyfreithiol i'r Pwyllgorau Harbwr presennol a oedd yn cyfarch Aelodaeth, Penodi Cadeirydd ac

Is-gadeirydd, Cworwm a Phleidleisio, Amlder Cyfarfodydd a swyddogaethau'r Pwyllgor.
Aelodaeth y Pwyllgor Ymgynghorol fydd:

- Hyd at bedwar aelod lleol o Gyngor Gwynedd
- Aelod Cabinet
- Un aelod o Gyngor Tref
- Hyd at saith aelod arall i gynrychioli gwahanol fuddiannau defnyddwyr yr harbwr

Etholir Cadeirydd i'r Pwyllgor Ymgynghorol o blith aelodau sy'n gynghorwyr sir i gadeirio'r cyfarfodydd. O safbwynt rôl y Gadair, nodwyd y byddai'n:

- rhoi cysondeb o Gadeiryddiaeth y Pwyllgorau Harbwr
- yn gyfle i fedru cael mewnbwn gwybodaeth leol
- cyfle i'r Cadeirydd lywio trafodaethau pellach gyda'r Aelod Cabinet a'r Gwasanaeth Morwrol

(v) Pwysleisiwyd y byddai'n cymryd amser i'r trefniadau uchod ddod i rym ond roedd yn fodd o sicrhau cysondeb ar draws Pwyllgorau Harbwr sydd yn gyfrifoldeb Cyngor Gwynedd.

(vi) Yn ystod y drafodaeth ddilynol ynglŷn â'r cylch gorchwyl, amlygwyd y pwyntiau canlynol gan Aelodau unigol:

- (a) y byddai'n fwy synhwyrol i ethol Is-gadeirydd o blith defnyddwyr yr Harbwr sydd ag arbenigedd ac yn wybodus am weithgareddau'r dŵr a'r harbwr
- (b) tra'n derbyn bod y Prif Weithredwr a'r Swyddog Monitro yn cymeradwyo'r trefniadau arfaethedig, teimlwyd y byddai'r aelodaeth yn gyfyngedig o ystyried mai dim ond tri Aelod o'r Sir a fydd yn gwasanaethu ar y Pwyllgor Ymgynghorol
- (c) byddir yn colli allan ar arbenigedd gwerthfawr
- (d) gofynnwyd beth fyddai cyfrifoldebau ac faint mor atebol fyddai'r Pwyllgor Ymgynghorol pe byddai unrhyw ddigwyddiad trychinebus yn digwydd
- (e) bod gan yr Aelodau Cabinet lwyth gwaith sylweddol ac ni ellir disgwyl iddynt fod yn bobman ac awgrymyd ystyried a fyddai'n fuddiol sefydlu Gweithgor o'r Pwyllgor Ymgynghorol i ymgymryd â gwaith ymchwil penodol, pe cyfyd yr angen, i'r Aelod Cabinet
- (f) deallir bod Pwyllgor Ymgynghorol Harbwr Aberdyfi pan drafodwyd y cylch gorchwyl yn ei gyfarfod yn ddiweddar wedi awgrymu y dylai'r cyrff / sefydliadau fod yn gyrff cyfansoddiadol cyflawn ac awgrymwyd ymhellach y dylai'r Pwyllgor Ymgynghorol hwn gymryd yr un safiad
- (g) y byddai'n fuddiol cynnal cyd-gyfarfod blynyddol o'r pedwar Pwyllgor Ymgynghorol (Abermaw, Aberdyfi, Porthmadog a Pwllheli) ar gyfer rhannu profiadau a chael trosolwg o weithgareddau yn yr Harbyrau eraill

(vii) Mewn ymateb i'r pryderon uchod nododd yr Uwch Reolwr Economi a Chymuned a'r Swyddog Morwrol a Pharciau Gwledig:

- Bod maintais o gael aelod o'r Sir yn y Gadair gan eu bod yn gyfarwydd o drefniadau, cyfansoddiad a gweithdrefnau'r Cyngor a'u bod yn rhwydd iddynt gyfeirio a chael trafodaethau pellach gyda'r Aelod Cabinet a'r Gwasanaeth Morwrol pe cyfyd pryderon ynglŷn ag unrhyw elfen o weithgareddau'r Harbwr
- tra'n derbyn y byddir yn colli aelodau o'r Cyngor Tref ond yr un pryd y byddir yn elwa o gael tri aelod ychwanegol ymhlith defnyddwyr yr harbwr gan bod y nifer wedi cynyddu i hyd at saith ac mai dim ond pedwar corff sy'n gwasanaethu ar hyn o bryd ac yn hyn o beth yn cynyddu'r arbenigedd

- pwysleiswyd mai Cabinet y Cyngor fyddai'n gyfrifol am ddigwyddiadau yn yr Harbwr ac mai rôl ymgynghorol sydd gan y Pwyllgor hwn ac felly bod unrhyw gyfrifoldeb yn disgyn ar y Cabinet. Pwysleiswyd ymhellach i Aelodau'r Pwyllgor Ymgynghorol godi unrhyw fater o bryder yng ngweithgareddau'r Harbwr gyda'r Gwasanaeth Morwrol a fyddai yn ei dro yn ymgynghori ymhellach gyda'r Aelod Cabinet perthnasol pe byddai angen
- bod y cyfansoddiad wedi ei fabwysiadu gan y Cabinet ond y byddir yn ymgynghori ymhellach ynglyn ag aelodaeth, a.y.b.
- o safbwynt cynnal cyd-gyfarfod o'r pedwar Pwyllgor Ymgynghorol Harbwr, pwysleiswyd bod cymaint o amrywiaeth yng ngweithgareddau pob Pwyllgor ac atgoffwyd bod sylwedyddion wedi eu hethol gyda'r hawl i fynychu ac yn medru rhannu gwybodaeth i'r Pwyllgorau maent yn gynrychioli. Yn ogystal, rhaid cofio bod y gost o weinyddu'r Pwyllgorau yn disgyn ar y pedwar Pwyllgor Ymgynghorol. Fodd bynnag, credir y byddai'n fuddiol i Gadeiryddion y pedwar Pwyllgor Ymgynghorol gwrdd i rannu gwybodaeth. Wrth gwrs, byddai modd awgrymu'r cynnig i'r Aelod Cabinet er ystyriaeth pellach.
- Byddai materion i'w trafod yn y Pwyllgor Ymgynghorol yn cael eu cyfyngu i faterion yn ymwneud â'r Harbwr yn unig gyda materion eraill megis consesiynau, glendid traeth, a.y.b. yn cael eu cyfeirio i bwyllgor arall priodol.

Penderfynwyd: Gofyn i'r Aelod Cabinet Economi:

- (i) ystyried y posibilrwydd i'r pedwar Pwyllgor Ymgynghorol Harbwr (Abermaw, Aberdyfi, Porthmadog a Phyllheli) gynnal cyd-gyfarfod blynyddol er mwyn cael trosolwg o weithgareddau ei gilydd**
- (ii) sicrhau bod y gwahanol sefydliadau / cyrff defnyddwyr yr Harbwr a wahoddir i'r Pwyllgor Ymgynghorol yn gyfansoddiadol gan ofyn iddynt gyflwyno cofnodion cymwys o'u Cyfarfodydd Blynyddol a'u cyfansoddiad fel meini prawf**

(B) Cod Diogelwch Harbyrau

- (i) Cyfeiriodd y Swyddog Morwrol a Pharciau Gwledig at y Cod Diogelwch ynghyd â Chynllun Gweithredu Gwynedd a anfonwyd i Aelodau'r Pwyllgor Ymgynghorol gyda'r rhaglen gan nodi mai cynllun generic ydoedd ar gyfer Gwynedd gyfan ac y byddai'r cynllun yn cael ei adolygu'n flyneddol gan arbenigwr. Nododd ymhellach nad oedd y Cod Diogelwch yn statudol ond ei fod yn ymarferiad da iawn gyda'r un canllawiau yn bodoli ar unrhyw Harbwr ar hyd a lled y wlad ac felly yn rhoi fframwaith cadarn ar gyfer dyletswyddau. Gofynnwyd i Aelodau'r Pwyllgor Ymgynghorol gymryd golwg dros gynnwys y Cod a'r Cynllun Gweithredu ac anfon eu sylwadau i'r Swyddog Morwrol a Pharciau Gwledig i'w gwyntyllu ymhellach yng nghyfarfod y Pwyllgor Ymgynghorol ym mis Mawrth 2014.
- (ii) Nodwyd cywiriad ar dudalen 23 o'r Cynllun Gweithredu i ddiddymu "Pont Briwet" ac ychwanegu "Pont Penmaenpool"

Penderfynwyd: Gofyn i Aelodau anfon sylwadau ar gynnwys y Cod Diogelwch a'r Cynllun Gweithredu a'u hanfon i'r Swyddog Morwrol a Pharciau Gwledig er ystyriaeth pellach yng nghyfarfod nesaf y Pwyllgor Ymgynghorol ym mis Mawrth 2014.

(C) Mordwyo ac Angorfeydd

- (i) Cyfeiriodd y Swyddog Morwrol a Pharciau Gwledig at reoliadau Cyngor Gwynedd ar gyfer sicrhau diogelwch a threfn ar y dwr sydd hefyd wedi eu mabwysiadu gan Gyngorau Ynys Môn a Chonwy, yn ogystal âg awdurdod yn Ne Cymru ac un awdurdod yn Lloegr. Cyfeiriwyd at ddwy ddamwain difrifol yng Ngwynedd eleni sef un ar draeth y Waren lle roedd bachgen ifanc

13 oed yn gyrru Bad Dwr Personol ac iddo daro ceufad gyda phedwar o blant ynndo, ynghyd â dau Bad Dwr Personol yn taro ei gilydd yn ardal Harbwr Porthmadog. Fodd bynnag, o ystyried y nifer helaeth sydd yn mordwyo'r arfordir, ychydig iawn o ddamweiniau difrifol sydd wedi digwydd. Atgoffwyd yr Aelodau nad yw Bad Dwr Personol yn cael ystyriaeth o dan y Ddeddf Llongau Masnach oherwydd penderfyniad a gymerwyd yn yr Uchel Lys yn 2005. Gwerthfawrogyd unrhyw sylwadau ar y rheoliadau.

(ii) Mewn ymateb i ymholiad gan Aelod ynglyn â chymhwysterau a chyfyngiad oed ar gyfer gyrru Bad Dwr Personol, nododd y Swyddog Morwrol a Pharciau Gwledig nad oes gofyn i unrhyw unigolyn feddu ar gymhwyster i yrru unrhyw gwch ar gyfer diddordeb plaser ar ddyfroedd Prydain nac ychwaith nid oes cyfyngiad oedran. Fodd bynnag, roedd gofyn i dynhau rheoliadau'r Cyngor y gorau gellir i leihau digwyddiadau o'r fath. Yng nghyswilt Traeth y Waren, eglurwyd bod y Cyngor wedi goruchwyllo gweithgareddau ar y traeth yn y gorffennol ond ers oddeutu dwy flynedd bod cwmni preifat sy'n berchen ar safle hamdden wedi ymgymryd â'r dyletswyddau. Fodd bynnag, yn dilyn y digwyddiad uchod cynhaliwyd trafodaethau rhwng y Gwasanaeth Morwrol a'r cwmni peifat ac fe fydd trafodaethau pellach yn cael eu trefnu er trafod y posibilrwydd o ail-ymgymryd â goruchwyllo'r gweithgareddau traeth y Waren yn 2014. Eglurwyd ymhellach bod rheol yn gwahardd cychod i yrru mwy na 4 milltir môr yr awr o fewn 100 medr o'r arfordir ac mae rhif cofrestr ar y cwch lle gellir ei nodi ac adrodd i'r Harbwr Feistr o unrhyw gam-ddefnydd o'r rheolau.

(iii) Mewn ymateb i ymholiad gan Aelod ynglyn â gosod bwiau traeth yn ardal Caerddaniel, eglurodd y Swyddog Morwrol a Pharciau Gwledig bod y Gwasanaeth wedi gorfod adolygu'r sefyllfa ar hyd a lled yr arfordir o safbwynt costau o'u cynnal a'u cadw a hyn yn bennaf gan fod yn debygol bod nifer helaeth o'r bwiau yn cael eu dwyn yn ardal Abermaw. Yn flynyddol fe gollir nifer sylweddol o fwiau i'r lan yn ardal Abermaw. Prysurwyd i ddweud bod safle Caerddaniel yn cydymffurfio a chydweithio'n dda iawn gyda'r Gwasanaeth Morwrol ac fe fyddir yn ail-ystyried i osod y bwiau ar gyfer flwyddyn nesaf gan eu bod o fudd i bawb.

(iii) Adroddodd y Swyddog Morwrol a Pharciau Gwledig bod y cymhorthion mordwyo wedi aros ar eu safle ac wedi derbyn cadarnhad ffafriol gan Ty'r Drindod yn dilyn archwiliad.

(iv) Mewn ymateb i'r uchod, nododd Aelod bod y cymhorthion mordwyo yn dda iawn ac yn hawdd i'w gweld ac y dylid llongyfarch y Gwasanaeth yn hyn o beth.

Penderfynwyd: Derbyn a nodi'r uchod.

(CH) Ystadegau Morwrol

(i) Cyflwynwyd, er gwybodaeth, i'r Aelodau ystadegau angorfeydd harbwr, ystadegau harbyrau eraill ynghyd ag ystadegau cyffredinol. Gwelir lleihad yn y niferodd o gychod eleni ond prysurwyd i nodi bod hyn yn dueddiad cyson ymhob Harbwr ar hyd a lled y wlad. Nodwyd bod 75 o lefydd gwag yn Hafan Pwllheli ac sydd yn adlewyrchiad o'r sefyllfa economaidd yn hytrach nac ansawdd yr Harbyrau. Roedd y sefyllfa yn Abermaw yn gyson o'i gymharu â ffigyrau flwyddyn diwethaf gyda chynnydd yn y nifer o gychod pwer a badau dwr personol.

(ii) Braf ydoedd nodi y gwelir llawer o unigolion lleol gyda angorfeydd.

(iii) Mewn ymateb i ymholiad ynglyn â defnydd y pontŵn, nododd yr Harbwr Feistr bod llawer yn awyddus i ddefnyddio'r pontŵn ond bod yn rhaid cynnal trafodaeth ynglyn â phwy sy'n gyfrifol amdano. Tueddiad ydoedd i gychod lleol aros yno a pheidio symud ac o ganlyniad yn creu rhwystr i gychod ymwelwyr ddod i mewn i'r Harbwr. Does dim byd yn ysgrifenedig i wahardd cychod aros ar y pontŵn ac mae hyn yn creu anhawster i'r Harbwr Feistr pan mae cychod yn aros am dyweder ddyddiau lawer. Pwysleisiodd y Swyddog Morwrol a Pharciau Gwledig bod yn rhaid trafod ymhellach berchnogaeth y pontŵn ac mai ei brif bwrpas ydoedd i

ymwelwyr yn unig a ddim i ddefnyddwyr cyffredinol yr Harbwr aros yno am ddyddiau lawer. Roedd hyn yn anheg iddynt gymryd mantais o'i ddefnydd ac o'r 1af Ebrill 2014 byddir yn codi ffi arnynt i geisio cael rheolaeth o'i ddefnydd. Oherwydd bod gwahaniaeth barn ymysg yr Aelodau awgrymwyd, i geisio datrys y ffordd ymlaen, y byddai'n fuddiol sefydlu Is-bwyllgor o'r Pwyllgor Ymgynghorol hwn i drafod ymhellach gyda'r Harbwr Feistr, cynrychiolwyr o'r Cyngor Tref a busnesau lleol a leolir wrth y cei, i gynnig syniadau.

(iv) Mewn ymateb i ymholiad ynglyn âg yswirio'r pontŵn, eglurodd y Swyddog Morwrol a Pharciau Gwledig mai'r Cyngor sydd yn ei yswirio ar hyn o bryd. Tynnwyd sylw ymhellach bod cost sylweddol i'w gynnal drwy orfod tynnu'r bysedd dros y gaeaf. Bydd angen trafodaeth benodol gyda'r Clwb Hwyllo a'r Gwasanaeth Morwrol ynglyn â pherchnogaeth y pontŵn mor fuan ag sy'n bosibl.

(v) Mewn ymateb i ymholiad gan Aelod ynglyn â chais i gynnal a chadw ei gwch ar ochr y cei, cadarnhawyd y gall yr Harbwr Feistr roi caniatad iddo gadw'r cwch ar wal y cei am gyfnod byr ar gyfer cynnal a chadw heb unrhyw gost ychwanegol i'r unigolyn.

Penderfynwyd: (a) Gofyn i'r Swyddog Morwrol a Pharciau Gwledig drefnu cyfarfod brys gyda'r Clwb Hwyllo i drafod perchnogaeth y pontŵn; ac yna

(b) Sefydlu Is-bwyllgor o'r Pwyllgor Ymgynghorol hwn i drafod a datrys defnydd a chyfrifoldeb o'r pontŵn mor fuan ag sy'n bosibl.

(D) Cyllidebau Harbyrau

(i) Gwnaed cywiriad gan y Swyddog Morwrol a Pharciau Gwledig yn yr atodiadau cyllidebol gan nodi mai DG54 ydoedd adroddiad cyllidol ar gyfer Harbwr Abermaw. Tywysodd y Swyddog Morwrol a Pharciau Gwledig yr Aelodau drwy adroddiad cyllidol yr Harbwr 2012-13 gan nodi bod £8,545.81 o arbediad o dan y pennawd costau gweithwyr ac £11,881.93 o orwariant o dan y pennawd costau adeiladau. Roedd cyfanswm gwariant rhedeg yr Harbwr yn £63,003 gyda'r gwir wariant yn £68,585.76 a olygai gorwariant o £5,582.76 yn fwy na'r incwm a wnaed yn Harbwr Abermaw y llynedd. O safbwynt incwm nodwyd bod y targed yn £48,360 a chasglwyd £36,326.38 mewn incwm a olygai lleihad o £12,033.62 a olygai gorwariant o £17,616.38 ar gyfer y flwyddyn diwethaf. Pwysleiswyd bod yn rhaid i'r Gwasanaeth Morwrol felly ddarganfod y gorwariant o fewn yr Harbyrau eraill.

(ii) Mewn ymateb i ymholiad gan Aelod, eglurwyd bod y pennawd costau adeiladau yn cynnwys cynnal a chadw tiroedd o amgylch yr Harbwr megis adeiladau'r SS Dora, unrhyw waliau, ffensys ym mherchnogaeth y Gwasanaeth.

(iii) Cyfeiriwyd at y sefyllfa at ddiwedd mis Awst 2013 gyda'r sefyllfa incwm yn dangos bod y Gwasanaeth oddeutu £10,000 yn fyr o gyrraedd y targed ac ni ragwelir cynnydd o £2000 / £3,000 yn ychwanegol.

(iv) O safbwynt angorfeydd ol a blaen (trots), eglurodd y Swyddog Morwrol a Pharciau Gwledig y byddai'n rhaid gweithio allan yn fanwl faint o incwm y byddir wedi greu pe bai'r Gwasanaethau wedi rhoi angorfeydd unigol yn yr Harbwr, ond fe welir o'r tabl ynghlwm i'r rhaglen bod yr angorfeydd ol a blaen wedi creu ychydig dros £3,000 i'r Harbwr. Ychwanegodd yr Harbwr Feistr bod yn rhaid cymryd i ystyriaeth costau cynhyrchu'r angorfeydd trot sef £1,000 o'i gymharu â chreu 5 angorfa unigol ar gost o oddeutu £3,000.

(v) Mewn ymateb i'r uchod, nododd Aelod tra'n derbyn bod angorfeydd ol a blaen yn broffidiol ac yn ffurf dda o roi llawer o gychod mewn lle bach, yn draddodiadol nid oeddynt yn gweithio yn llwyddiannus yn Abermaw gan bod y nifer o gychod sydd wedi suddo oddi ar

angorfeydd ol a blaen yn gyfatebol uwch na'r nifer sydd wedi suddo ar fwiau. Mynegwyd pryder ynglyn â lleoliad angorfeydd ol a blaen gan ei fod yn cyfyngu mynediad i gychod hwylio yn enwedig o'r ardal a elwir y "fynwent". Apeliwyd felly i gymryd hyn i ystyriaeth os yn ystyried gosod mwy ohonynt i'r dyfodol.

(v) Rhagwelir i gynyddu ffioedd a thaliadau oddeutu 2% - 2.5%.

(vi) Nododd Aelod bod defnyddwyr lleol yn y gorffennol wedi derbyn gostyngiad yn y ffioedd. Mewn ymateb, nododd y Swyddog Morwrol a Pharciau Gwledig bod rhaid bod yn ofalus ar sut diffinir "lleol" a'i fod yn hawdd rheoli un ffi. Rhaid cofio hefyd yr heriau sylweddol o ran arbedion a wynebai'r Cyngor i'r dyfodol. Ychwanegwyd bod yn rhaid edrych ar y budd economaidd o'r Harbyrau i bentrefi ar yr arfordir.

(vii) Mewn ymateb i ymholiad gan Aelod ynglyn â pham bod gweithredwyr masnachol yn manteisio ar gymhorthdal gan y Cyngor, eglurodd y Swyddog Morwrol a Pharciau Gwledig y byddir yn cynnal adolygiad manwl o'r ffioedd a thaliadau gan gymryd i ystyriaeth y posibilrwydd i beidio cynnig gostyngiad i ddefnyddwyr yr Harbwr yn 2014. Wrth gwrs, rhaid pwysu a mesur costau ychwanegol a bod pysgotwyr yn ceisio gwneud bywiolaeth.

Penderfynwyd: Derbyn a nodi'r uchod.

(DD) Digwyddiadau

Adroddodd y Swyddog Morwrol a Pharciau Gwledig:

- (i) Er nad oedd y Gwasanaeth wedi derbyn canlyniadau ansawdd dwr ymdrochi, hyderai y byddir yn llwyddiannus i gael y Faner Las i Abermaw yn 2014
- (ii) O safbwynt y Gorchymyn Rheolaeth Cwn, nad oedd yn ymwybodol bod dirwy wedi ei roi i berchennog ci yn Abermaw. Unwaith y bydd yr Harbwr Feistr wedi cymhwyso byddai'r hawl ganddo i roi dirwy i berchennog ci sydd yn mynd ar ardal gwaharddedig i gwn. Ychwanegwyd bod Abermaw yn anodd iawn i'w reoli cyn belled a bo cwn yn y cwestiwn.

Penderfynwyd: Derbyn a nodi'r uchod.

(E) Consesiynau a Gwelliannau

- (i) Adroddodd y Swyddog Morwrol a Pharciau Gwledig bod erthygl ar gyfleusterau ac adnoddau Harbwr Aberdyfi ac Abermaw wedi ymddangos yn llyfr cyfeirydd "Cruising Anglesey Guide" a'i fod ar gael ar y We.
- (ii) O safbwynt marchnata, nodwyd bod hysbyseb wedi ymddangos yn PBO ar gost sylweddol ac fe fyddir yn ail-ystyried y strategaeth ar gyfer flwyddyn nesaf
- (iii) Nodwyd bod y mwyafrif o ysgolion yr Harbwr wedi eu hadnewyddu.

Penderfynwyd: Derbyn a nodi'r uchod.

(F) Diogelwch Offer Morol

Adroddodd y Swyddog Morwrol Cynorthwyol Harbyrau bod PCSO Paul Duggan yn gyfrifol am faterion morol a phwysleiswyd dylai Aelodau annog pob morwr i gofrestru eu heiddo gyda'r Heddlu.

Penderfynwyd: Derbyn a nodir' uchod.

(FF) Staff Harbwr

(i) Cyflwynwyd i'r Aelodau yn ystod y cyfarfod raglen waith yr Harbwr Feistr a thynnwyd sylw bod Harbwr Feistr Aberdyfi yn ymddeol diwedd mis Hydref. Byddir yn penodi unigolyn dros dro yn ei le o 1 Tachwedd gyda'r bwriad o benodi olynedd yn barhaol ym mis Chwefror 2014. O ystyried hyn, ni ddisgwylir i Harbwr Feistr Abermaw gynorthwyo yn Aberdyfi a'r bwriad yw i ddau aelod o staff o Ogledd y Sir gynorthwyo am ddiwrnod a hanner yr wythnos yn Abermaw fydd yn ei dro yn cynnyddu'r capasiti a fydd o gymorth i gwblhau'r dyletswyddau ar y rhaglen waith yn ystod y gaeaf.

Penderfynwyd: Derbyn a nodi'r uchod.

6. MATERION I'W HYSTYRIED AR GAIS AELODAU'R PWYLLGOR YMGYNGHOROL

- (a) Gwaith i'r Bont - nodwyd ni dderbyniwyd ymateb gan Network Rail ynglyn â'r gwaith i'r bont.
- (b) Gofynnodd Aelod a fyddai modd cadw Cymdeithas Defnyddwyr yr Harbwr yn y darlun ynglyn ag unrhyw waith yn enwedig newid i'r bathymetreg oherwydd pryder ynglyn â chyflwr y caergawelli.

Mewn ymateb, sicrhodd y Prif Beiriannydd na fyddir yn ymestyn y caergawelli.

Penderfynwyd: Derbyn a nodi'r uchod.

- (b) Cynllun Datblygu'r Harbwr, Carthu ac Angorfeydd

(i) Nododd Aelod bod Cymdeithas Defnyddwyr yr Harbwr wedi trafod gyda'r Harbwr Feistr ac wedi cael addewid na fyddir yn gosod mwy o angorfeydd ol a blaen ar yr ochr ogleddol. Roedd Cymdeithas Defnyddwyr o'r farn y byddent yn cyfyngu mordwyo, pe byddai mwy ohonynt yn cael eu gosod.

(ii) Bod y Gymdeithas Defnyddwyr yn gwneud sylw am yr angen i garthu ac yn pryderu am y mwd sydd ar waelod y brif lithrfa a gofynnwyd a fyddai'n bosibl ei gynnal drwy garthu.

(iii) Mewn ymateb, esboniodd y Swyddog Morwrol a Pharciau Gwledig nad oedd yn rhagweld y bydd unrhyw waith carthu yn digwydd i'r dyfodol ac y byddai'n rhaid ystyried ffurf arall o'i reoli. Bu i'r Gwasanaeth fuddsoddi oddeutu £50,000 yn y gorffennol ar garthu ar hyd wal y cei gyda ddim llawer o lwyddiant.

(iv) Yn ystod y drafodaeth ddilynol, amlygwyd y pwyntiau canlynol:

- Tra'n derbyn bod y Cyngor dan bwysau yn ariannol, teimlwyd bod rhaid weithiau mentro i greu fwy o incwm a phe byddir yn carthu ardal y Baddon gellid greu fwy o lefydd i angorfeydd ac felly cronni fwy o incwm i'r Harbwr. Drwy wneud hyn gellir wedyn greu cynllun datblygu i'r Harbwr.
- Awgrymwyd sefydlu Is-bwyllgor ar gyfer y cynllun datblygu fel bo modd trafod ffurf eraill i godi arian

- Gofynnwyd oni ellir gwerthu'r tywod am swm nominal ar gyfer tirlenwi safle Ffridd Rasmus, Harlech, pan yn cau

- (v) Mewn ymateb, esboniodd yr Uwch Reolwr Economi a Chymuned a'r Swyddog Morwrol a Pharciau Gwledig bod y Cyngor yn wynebu heriau ariannol dros y pum mlynedd nesaf. Tra'n derbyn yr angen am gael cynllun datblygu i'r Harbwr byddai'n rhaid bod yn ymarferol o'r hyn ellir ei wireddu yn yr hinsawdd sydd ohoni. Tra'n derbyn bod yn rhaid bod yn uchelgeisiol, go brin y byddir mewn sefyllfa i wneud unrhyw waith carthu i'r dyfodol. Nodwyd ymhellach bod y gyfundrefn yn rhoi cymaint o bwyslais o ran casglu data amgylcheddol a bod unrhyw gais yn costio'n sylweddol.
- (vi) Ychwanegodd y Cadeirydd efallai mewn oddeutu dwy neu dair blynedd y byddai modd cydweithio hefo'r trydydd sector mewn cynlluniau o'r fath.
- (vii) O safbwynt safle Ffridd Rasmus, cadarnhawyd bod y Cyngor yn rhoi ystyriaeth i symud tywod ar gyfer defnydd tirlenwi pe byddai angen.

Penderfynwyd: Derbyn a nodi'r uchod.

(c) Llithrfa Newydd

Adroddodd Aelod o Gymdeithas Defnyddwyr yr Harbwr y nodwyd yng nghofnodion diwethaf y cyfarfod hwn y byddir yn gofyn i'r Prif Beiriannydd ymweld â sefyllfa yn ardal y Baddon".

Penderfynwyd: Gofyn i'r Aelod gymryd gair â'r Prif Beiriannydd ar derfyn y cyfarfod hwn.

(ch) Pontŵn a Chamerau Cylch Cyfyng

(i) Tra'n derbyn bod sustem cylch gyfyng yn bodoli'n barod, cais Cymdeithas y Defnyddwyr ydoedd cael defnydd gwell ar gyfer y pontwn er cynorthwyo'r Harbwr Feistr i gadw rheolaeth arno.

(ii) Mewn ymateb, nododd y Swyddog Morwrol a Pharciau Gwledig bod presenoldeb dynol ar y pontwn yn llawer mwy effeithiol i'w reoli yn hytrach na camerau

Penderfynwyd: Derbyn a nodi'r uchod.

(d) Marciau Traeth

Ategodd y Swyddog Morwrol a Pharciau Gwledig y byddai'r Uned yn trafod yr uchod ymhellach i weld beth yw'r gofynion a lleoliadau a'i fod yn ymwybodol o'r angen i sicrhau rhai yn ardal Caerddaniel ar gyfer flwyddyn nesaf.

Penderfynwyd: Derbyn a nodi'r uchod.

7. DYDDIAD Y CYFARFOD NESAF

(a) Adroddwyd y cynhelir y cyfarfod nesaf o'r Pwyllgor Ymgynghorol Harbwr Abermaw ar dydd Iau, 20 Mawrth 2014.

Penderfynwyd Derbyn a nodi'r uchod.

CADEIRYDD.

***Pwyllgor Ymgynghorol Harbwr
Abermaw
Harbour Consultative Committee***

20 Mawrth / March 2014

Uned Morwrol a Pharciau Gwledig – Crynodeb o'r eitemau i'w trafod.

Maritime and Country Parks Unit – Summary of items for discussion.

1. Pwyllgorau Ymgynghorol Harbyrau / Harbour Consultative Committees

- Cadarnhau Cylch Gorchwyl Pwyllgor Ymgynghorol Harbwr Abermaw 2014 / Confirmation of Abermaw Harbour Consultative Committee Terms of Reference 2014
- Cadarnhau Cynrychiolaeth Pwyllgor Ymgynghorol Harbwr Abermaw 2014/ Confirmation of Abermaw Harbour Consultative Committee Representatives 2014
- Cadarnhau Materion Agenda Pwyllgorau Ymgynghorol Harbyrau / Confirmation of Agenda Items for Harbour Consultative Committees

2. Cod Diogelwch Harbyrau / Port Marine Safety Code

- Derbyn a cadarnhau sylwadau Aelodau ar ddrafft y Cod Diogelwch Harbyrau / Receive and confirm observations of Members on draft Port Marine Safety Code

***3. Mordwyo ac Angorfeydd
Navigation and Moorings***

- Cod Diogelwch Harbyrau / Port Marine Safety Code
- Cymhorthion Mordwyo / Aids to Navigation
- Bwiau Parth Traethau / Beach Zone Markers
- Cynnal Angorfeydd / Mooring Maintenance
- Costau Cynnal a Chadw / Cost of Maintenance
- Archwiliadau Tŷ'r Drindod / Trinity House Inspections

***4. Trwyddedau Perchenogion a Cychwyr
Proprietor's and Boatman's Licenses***

- Telerau'r Trwyddedau / Terms of License
- Sylwadau Ysgraff 2013 / Ferry Observations 2013
- Trefniadau Trwyddedu 2014 / 2014 License Arrangements
- Archwiliadau Syrfewr 2014/ Surveyor Inspection 2014
- Man Hwyllo a Glanio / Embarkation and Disembarkation Point

5. *Cyllidebau Harbyrau* ***Harbour Budgets***

- Targedau Cyllideb Cyfredol 2013-14 / 2013-14 Budget Targets
- Gwariant ac Incwm Cyfredol at Diwedd Chwefror / Current Expenditure and Income to end of February
- Adolygiad Chwarter Tri / Third Quarter Review
- Ffioedd Angorfeydd Arfaethedig 2014 Proposed Fees and Charges

6. *Digwyddiadau* ***Events***

- Ras y Tri Pigyn / Three Peaks Yacht Race 2014
- Penwythnos Regata Ceufadau / Canoeing Regatta Weekend
- Gwobr Traeth / Beach Award
- Ansawdd Dwr Ymdrochi 2014 Bathing Water Quality

7. *Goddefiadau a Gwelliannau* ***Concessions and Improvements***

- Stanciau Harbwr Abermaw / Mooring Plies (*MYC/Clwb Hwyllo*)
- Gaeafu Cychod ar y Cei / Storage of boats on Quay (*MYC/Clwb Hwyllo*)
- Symudiadau Tywod Gwanwyn 2014 Sand Movements
- Effaith Tywydd Garw / Effects of Adverse Weather (Traeth / Beach)
- Gwaredu a Diogelwch Tan Gwyllt / Disposal and Safety of Pyrotechnics
- Storfa Morwrol / Maritime Compound
- Ysgolion Harbwr / Harbour Ladders
- Rheolaeth Pontŵn / Pontoon Management
- Ardal Harbwr Aberamffra Harbour Area
- Goddefiadau Traeth a Promenâd / Beach and Promenade Concessions
- Cynnal a Chadw Llithfeydd / Slipway Maintenance

8. *Staff Harbwr / Harbour Staff*

- Trefniadau Staff Gwanwyn/Haf 2014 – Spring/Summer Staff Arrangements 2014
- Rhaglen Waith Cynnal a Chadw 2014 Maintenance Works Programme

9. *Ymddiriedolaeth Harbwr / Harbour Trust* (Cyngor Tref Abermaw Town Council)

4.3 I osgoi amheuaeth, nid yw rheol 10(5) na 10(6) o Reolau Gweithdrefn y Cyngor (cadeirio mwy nag un pwyllgor; tymor swydd cadeirydd) yn berthnasol i'r Pwyllgor.

5. Cworwm a Phleidleisio.

5.1 Bydd gan bob aelod o'r Pwyllgor bleidlais ar unrhyw fater a ddaw gerbron y pwyllgor.

5.2 Caniateir i'r cyrff neu fudiadau sy'n cynrychioli buddiannau defnyddwyr yr harbwr anfon eilydd neu ddirprwy i'r cyfarfodydd yn absenoldeb yr aelod sefydlog a bydd gan y deilydd neu ddirprwy bleidlais yn yr un modd â'r aelod sefydlog

5.3 Y cworwm ar gyfer cyfarfodydd o'r Pwyllgor fydd chwarter yr aelodaeth bleidleisiol a fydd yn cynnwys o leiaf un cynghorydd sir.

5.4 Caniateir i sylwedydd o bob un o'r tri phwyllgor ymgynghorol harbwr arall fynychu'r cyfarfodydd ond ni fydd ganddynt bleidlais ar unrhyw fater a ddaw gerbron.

6. Amllder Cyfarfodydd.

6.1 Bydd y Pwyllgor yn cyfarfod yn arferol ddwywaith y flwyddyn.

6.2 Bydd gan y Cadeirydd hawl i alw cyfarfodydd arbennig o'r Pwyllgor os bydd o'r farn fod angen trafodaeth ar unrhyw fater rhwng cyfarfodydd arferol y Pwyllgor.

7. Cylch Gorchwyl.

7.1 Swyddogaeth y Pwyllgor fydd ystyried a chynghori'r Cabinet ynglŷn â materion yn ymwneud â rheolaeth, diogelwch a datblygiad yr harbwr.

7.2 Bydd y Pwyllgor hefyd yn ystyried a chynghori'r Cabinet ar unrhyw fater perthynol arall a gyfeirir ato gan y Cabinet i'w ystyried o dro i dro.

7.3 Bydd yn ddyletswydd ar y Cabinet i ymgynghori hefo'r Pwyllgor ar unrhyw fater sydd, ym marn y Cabinet, yn debygol o effeithio'n sylwedddol ar reolaeth, diogelwch neu ddatblygiad yr harbwr; a bydd yn ddyletswydd ar y Cabinet i ystyried unrhyw gyngor a roddir iddo gan y Pwyllgor ond ni fydd dan rwymedigaeth i weithredu yn unol â'r cyngor a roddir.

8. Trefn y cyfarfodydd.

Yn amodol ar unrhyw ddarpariaeth i'r gwrthwyneb yn y Cyfansoddiad hwn, rheolir gweithgareddau'r Pwyllgor gan reolau gweithdrefn y Cyngor.

Chwyddiant ar Incwm 2014-15 - Cyllideb Rhan 1

	Gwariant Col 18 £	Gwariant Col 30 £	Chwyddiant Gwariant Col 31 £	Addasu £	Gwariant Terf £	Gwahaniaeth mewn £ £	Gwahaniaeth mewn % %	Cynnydd £ yn y Targed Chwyddiant Col 31 iii £
Hafan	505,570	506,150	6,570		512,720	7,150	1.41%	-22,190.00
Traethau	392,100	392,390	5,570		397,960	5,860	1.49%	-2,780.00
Harbwr Pwllheli	33,120	33,260	620		33,880	760	2.29%	-1,260.00
Harbwr Porthmadog	72,540	72,740	980		73,720	1,180	1.63%	-1,240.00
Harbwr Abermaw	59,280	59,380	720		60,100	820	1.38%	-550.00
Harbwr Aberdyfi	72,460	72,680	1,040		73,720	1,260	1.74%	-460.00
Cyfanswm Harbyrau	237,400	238,060	3,360		241,420	4,020	1.69%	-3,510.00
Doc Fic	137,950	138,040	1,860		139,900	1,950	1.41%	-2,970.00
Padarn	197,380	197,820	1,790		199,610	2,230	1.13%	-2,150.00
Glynllifon	71,730	71,950	1,050		73,000	1,270	1.77%	-880.00

**Targed Terfynol
Col 34**

£

-1,474,070.00

-204,100.00

-78,680.00

-78,800.00

-43,840.00

-33,070.00

-234,390.00

-213,080.00

-170,730.00

-40,140.00

Harbwr Aberdyfi Harbour
2014/15

Eithrio T.A.W	2013-14 Ffi lleol Local Fee	2013-14 Eraill Other	2014-15 Ffi lleol Local Fee 2%	2014-15 Eraill Other 2%	Prices exclude V.A.T
Trwydded angorfa blynyddol fesul medr, neu rhan o fedr + Tollau Harbwr. Cychod Pleser	-	26.93	-	27.47	Mooring licence per metre per annum, or part of metre + Harbour Dues. Pleasure Craft
Tollau Harbwr y fedr – pob llestr	-	4.85	-	4.95	Harbour Dues per meter – all vessels
Taliadau llithrfa cychod pŵer dros 10HP (eithrio BDP)	-	Fel rhestr lansio	-	Fel rhestr lansio	Slipway charges power boats over 10HP (not PW)
Cychod bychain peiriant 10HP	-	-	-	-	Small boats engine max 10HP
Dyddiol	5.00	5.00	-	5.83	Daily
Tymhorol	41.67	41.67	-	45.83	Seasonal
Cwch ymwelwyr – Dyddiol neu rhan o ddiwrnod					Visiting Vessels – Daily or part of day
Cwsmeriaid Harbwr/Marina Cyngor Gwynedd	-	5.00	-	5.00	Gwynedd Council Harbour/Marina Clients
Pob Cwch Ymweld Arall		6.67		6.67	All Other Visiting Vessels
Cychod cario teithwyr y fedr + Tollau Harbwr fesul medr	22.42	23.31	-	23.78	Passenger carrying vessels per metre + Harbour Dues per meter
Pysgota/Siarter/Masnachol y flwyddyn + Tollau Harbwr fesul medr y flwyddyn	-	23.31	-	23.78	Fishing/Charter/Commercial per meter + Harbour Dues per meter per annum
Cychod masnachol yn ymweld a'r harbwr y dydd neu rhan o'r dydd	-	52.02	-	53.06	Commercial vessels visiting per day or part of day
Storio tymor yr haf yn ardal y Cei neu diroedd eraill y fedr yr wythnos neu rhan wythnos 01 Ebrill – 30 Medi	-	5.33	-	5.44	Summer Storage on Quay or other land per meter per week or part of week 01 April – 30 September
Storio tymor y gaeaf yn ardal y Cei neu diroedd eraill y fedr y mis neu unrhyw rhan o fis 01 Hydref – 31 Mawrth – isafswm ffi 7 medr	-	3.35	-	3.42	Winter Storage on Quay or other land per metre per month or any part of month - 01 October – 31 March – min charge 7 meters.
Rhent Llogi Angorfa Aberdyfi	-	235.08	-	244.48	Mooring Rental Aberdyfi
Diddymu cais angorfa	Gwelir isod	See below	Gwelir isod	See below	Cancellation of mooring application
Diddymu cais angorfa. Gorddewisol	Rheol 1/18	Rule 1/18	Rheol 1/18	Rule 1/18	Cancellation of mooring application. Discretionary.

**Harbwr Abermaw Harbour
2014/15**

Eithrio T.A.W	2013-14 Ffi lleol Local Fee	2013-14 Eraill Other	2014-15 Ffi lleol Local Fee	2014-15 Eraill Other	Prices exclude V.A.T
Trwydded angorfa blynyddol fesul medr, neu rhan o fedr + Tollau Harbwr – Cychod Pleser	-	26.93	-	27.47	Mooring licence per metre per annum, or part of metre + Harbour Dues - Pleasure Craft
Tollau Harbwr y fedr – pob llestr	-	4.85	-	4.95	Harbour Dues per meter – all vessels
Taliadau llithrfa cychod pŵer dros 10HP (eithrio BDP)	-	Fel rhestr lansio	-	Fel rhestr lansio	Slipway charges power boats over 10HP (not PW)
Cychod bychain, peiriant 10HP	-	-	-	-	Small boats engine, max 10HP
Dyddiol	5.00	5.00	-	5.83	Daily
Tymhorol	41.67	41.67	-	45.83	Seasonal
Cwch ymwelwyr – Dyddiol neu rhan o ddiwrnod					Visiting Vessels – Daily or part of day
Cwch Ymweld	5.00	5.00	-	5.00	Visiting Vessels
	-	6.67	-	6.67	
Cychod cario teithwyr y fedr + Tollau Harbwr	22.42	23.31	-	23.78	Passenger carrying vessels per metre + Harbour Dues per meter
Pysgota/Siarter/Masnachol y flwyddyn + Tollau Harbwr y fedr	-	23.31	-	23.78	Fishing/Charter/Commercial per meter + Harbour Dues per meter
Cychod yn ymweld a'r harbwr y dydd neu rhan o'r dydd	-	52.02	-	53.06	Commercial vessels visiting per day or part of day
Ffioedd Compownd Harbwr (y flwyddyn) – Pysgotwyr llawn amser	-	282.67	-	288.32	Harbour compound (per annum) – Full time fishermen
Ffioedd Compownd Harbwr (y flwyddyn) – Defnyddwyr masnachol harbwr	-	304.56	-	310.65	Harbour Compound (per annum) – Harbour commercial users
Ffioedd Compownd Harbwr (y flwyddyn) – Defnyddwyr masnachol eraill	-	326.31	-	358.94	Harbour Compound (per annum) – Other commercial users.
Ffi cosb – Glanhau Ysbwriel	-	91.21	-	91.21	Penalty Costs – Removal of refuse/
Gordal-defnydd tir tu allan i'r ardal benodedig y M ² yr wythnos.	-	4.16	-	4.16	Surcharge – additional storage area outside of allocated plot - per M ² per week.
Storio tymor yr haf ar diroedd harbwr y fedr. Ffi fesul wythnos neu rhan wythnos 01 Ebrill – 30 Medi	-	5.33	-	5.44	Summer Storage on harbour land per meter per week or part of week 01 April – 30 September
Storio tymor y gaeaf ar dir yr harbwr y fedr. Ffi fesul y mis neu unrhyw rhan o fis 01 Hydref – 31 Mawrth – isafswm 7 medr	-	5.38	-	5.49	Winter Storage on harbour land per metre per month or any part of month 01 October – 31 March – min 7mtrs
Rhent llogi angorfa Abermaw	-	235.08	-	244.48	Mooring Rental Abermaw
Diddymu cais angorfa. Gorddewisol	Rheol 1/18	Rule 1/18	Rheol 1/18	Rule 1/18	Cancellation of mooring application. Discretionary

Uned Morwrol a Pharciau Gwledig – Maritime and Country Parks Unit

FFIOEDD A THALIADAU CYFFREDINOL / GENERAL FEES AND CHARGES

Prisiau Eithrio TAW	2013-14	2014-15	Prices exclude VAT
Rhaff cysylltiol a bwi codi	25.00	25.00	Link line and pickup buoy
Gosod rhaffau angorfeydd	35.00	35.00	Fitting of mooring lines
Ffi Cytundeb Angorfa Trefor (fesul llestr)	38.50	39.27	Trefor Mooring Fee Agreement (per vessel)
Trwydded Cychwyr - Pwer {Dim TAW}	50.00	55.00	Boatman's Licence - Power { No VAT }
Trwydded Perchennog - Pwer {Dim TAW}	60.00	65.00	Proprietor's Licence - Power { No VAT }

Ffioedd Lansio a Cofrestru Cychod Pŵer & Badau Dŵr Personol
Powerboats & Personal Watercraft Launching and Registration Fees

01/04/2014 – 31/03/2015

Ffioedd ddim yn cynnwys TAW / All fees exclusive of VAT

Ffi Adnewyddiad (Trwyddedau Bach)	2013/14	2014/15	Renewal Fees (Small Permits)
Cofrestru Blynyddol - Trwyddedau Cofrestru Bach yn unig	-	-	Annual Re-registration – Small Registration permits only
Ceisiadau post i'r Brif Swyddfa Forwrol yn unig	20.83	20.83	Postal applications to the Council Maritime Office only
Ceisiadau mewn person yn Swyddfeydd yr Harbyrau neu ar y Traethau	25.00	25.00	In person applications at the Harbour Offices or at the Beaches
Ffi Adnewyddiad (Trwyddedau Mawr a Bychan)			Renewal Fees (Large and Small Permits)
Cofrestru Blynyddol - Rhifau Adnabod + Trwydded Cofrestru	-	-	Annual Registration – Identification Number + Registration Permits
Ceisiadau post i'r Brif Swyddfa Forwrol	29.17	29.17	Postal applications to the Council Maritime Office only
Ceisiadau mewn person yn Swyddfeydd yr Harbyrau neu ar y Traethau	33.33	33.33	In person applications at the Harbour Offices or at the Beaches
Ceisiadau Newydd			New Applications
Cofrestru Blynyddol - Rhifau Adnabod + Trwydded Cofrestru	-	-	Annual Registration – Identification No + Registration Permits
Ceisiadau post i'r Brif Swyddfa Forwrol	29.17	29.17	Postal applications to the Council Maritime Office only
Ceisiadau mewn person yn Swyddfeydd yr Harbyrau neu ar y Traethau	33.33	33.33	In person applications at the Harbour Offices or at the Beaches
Trwyddedau Lansio			Launching Permit
Lansio dyddiol - Llithrfeydd/Traethau Cyffredinno	8.33	8.33	Daily launch – General Slipways/Beaches
Lansio dyddiol - Traeth Morfa Bychan	-	10.83	Daily launch – Morfa Bychan Beach
Lansio Blynyddol (1 Ebrill – 31 Mawrth) – cynnwys ffi cofrestru	-	-	Annual Launching (1 April – 31 March) – inclusive of registration fee
Ceisiadau post i'r Brif Swyddfa Forwrol	108.33	108.33	Postal applications to the Council Maritime Office
Ceisiadau mewn person yn Swyddfeydd yr Harbyrau neu ar y Traethau	125.00	125.00	In person applications at the Harbour Offices or at the Beaches
Trosglwyddo / Ailddodiad			Transfer / Replacement
Ceisiadau drwy'r post yn unig - Prif Swyddfa Forwrol	-	-	Postal application only - Council Maritime Office
Trwyddedau Cofrestru yn unig (Trwyddedau Bach)	20.83	20.83	Registration permits only (Small Permits)
Rhifau Adnabod a Trwyddedau Cofrestru (Trwyddedau Mawr + Bach)	29.17	29.17	Identification Numbers and Registration Permits (Large + Small Permits)
Cychod llai na 10 HP			Vessels under 10 HP
Ffi Cofrestru Blynyddol – Ceisiadau mewn person yn unig	-	-	Annual Registration Fee - In person application only
Harbyrau neu'r Traethau gyda'r cwch ar gael er ei archwilio	16.67	16.67	Harbour or Beaches, with vessel available for inspection

Abermaw / Barmouth

Cyngor - Council: Cyngor Gwynedd		
Blwyddyn - Year: 2013	Ansawdd Dwr Ymdrochi: Ardderchog	Water quality: Excellent
Blwyddyn - Year: 2012	Ansawdd Dwr Ymdrochi: Ardderchog	Water quality: Excellent
Blwyddyn - Year: 2011	Ansawdd Dwr Ymdrochi: Ardderchog	Water quality: Excellent
Blwyddyn - Year: 2010	Ansawdd Dwr Ymdrochi: Ardderchog	Water quality: Excellent
Blwyddyn - Year: 2009	Ansawdd Dwr Ymdrochi: Ardderchog	Water quality: Excellent
Blwyddyn - Year: 2008	Ansawdd Dwr Ymdrochi: Da	Water quality: Good
Blwyddyn - Year: 2007	Ansawdd Dwr Ymdrochi: Ardderchog	Water quality: Excellent
Blwyddyn - Year: 2006	Ansawdd Dwr Ymdrochi: Ardderchog	Water quality: Excellent
Blwyddyn - Year: 2005	Ansawdd Dwr Ymdrochi: Ardderchog	Water quality: Excellent
Blwyddyn - Year: 2004	Ansawdd Dwr Ymdrochi: Ardderchog	Water quality: Excellent
Blwyddyn - Year: 2003	Ansawdd Dwr Ymdrochi: Ardderchog	Water quality: Excellent
Blwyddyn - Year: 2002	Ansawdd Dwr Ymdrochi: Ardderchog	Water quality: Excellent
Blwyddyn - Year: 2001	Ansawdd Dwr Ymdrochi: Ardderchog	Water quality: Excellent
Blwyddyn - Year: 2000	Ansawdd Dwr Ymdrochi: Ardderchog	Water quality: Excellent
Blwyddyn - Year: 1999	Ansawdd Dwr Ymdrochi: Ardderchog	Water quality: Excellent
Blwyddyn - Year: 1998	Ansawdd Dwr Ymdrochi: Ardderchog	Water quality: Excellent
Blwyddyn - Year: 1997	Ansawdd Dwr Ymdrochi: Ardderchog	Water quality: Excellent
Blwyddyn - Year: 1996	Ansawdd Dwr Ymdrochi: Ardderchog	Water quality: Excellent
Blwyddyn - Year: 1995	Ansawdd Dwr Ymdrochi: Ardderchog	Water quality: Excellent
Blwyddyn - Year: 1994	Ansawdd Dwr Ymdrochi: Ardderchog	Water quality: Excellent
Blwyddyn - Year: 1993	Ansawdd Dwr Ymdrochi: Da	Water quality: Good
Blwyddyn - Year: 1992	Ansawdd Dwr Ymdrochi: Da	Water quality: Good
Blwyddyn - Year: 1991	Ansawdd Dwr Ymdrochi: Da	Water quality: Good
Blwyddyn - Year: 1990	Ansawdd Dwr Ymdrochi: Da	Water quality: Good

Tabl Data Table

	Dyddiad Date	intestinal enterococci colonies/100ml	escherichia coli colonies/100ml	total coliform colonies/100ml	faecal coliform colonies/100ml	faecal streptococci colonies/100ml	Safon Classification
1	09/05/13 13:20:00 PM	< 10	< 10				Uwch / Higher
2	15/05/13 11:12:00 AM	< 10	< 10				Uwch / Higher
3	23/05/13 14:20:00 PM	< 10	< 10				Uwch / Higher
4	31/05/13 11:45:00 AM	< 10	< 10				Uwch / Higher
5	06/06/13 12:20:00 PM	< 10	< 10				Uwch / Higher
6	11/06/13 11:50:00 AM	< 10	27				Uwch / Higher
7	23/06/13 12:20:00 PM	18	36				Uwch / Higher
8	28/06/13 10:55:00 AM	< 10	< 10				Uwch / Higher
9	02/07/13 15:45:00 PM	< 10	< 10				Uwch / Higher

10	10/07/13 13:20:00 PM	< 10	< 10				Uwch / Higher
11	18/07/13 16:15:00 AM	< 10	< 10				Uwch / Higher
12	23/07/13 15:00:00 PM	45	18				Uwch / Higher
13	30/07/13 13:30:00 AM	< 10	< 10				Uwch / Higher
14	07/08/13 10:40:00 AM	18	< 10				Uwch / Higher
15	15/08/13 14:4500 PM	< 10	< 10				Uwch / Higher
16	19/08/13 13:30:00 PM	< 10	64				Uwch / Higher
17	26/08/13 15:00:00 PM	< 10	< 10				Uwch / Higher
18	03/09/13 10:00:00 AM	< 10	55				Uwch / Higher
19	13/09/13 12:50:00 PM	< 10	< 10				Uwch / Higher
20	19/09/13 11:15:00 AM	18	36				Uwch / Higher

Fairbourne**Cyngor - Council:** Cyngor Gwynedd

Blwyddyn - Year: 2013	Ansawdd Dwr Ymdrochi: Ardderchog	Water quality: Excellent
Blwyddyn - Year: 2012	Ansawdd Dwr Ymdrochi: Ardderchog	Water quality: Excellent
Blwyddyn - Year: 2011	Ansawdd Dwr Ymdrochi: Ardderchog	Water quality: Excellent
Blwyddyn - Year: 2010	Ansawdd Dwr Ymdrochi: Ardderchog	Water quality: Excellent
Blwyddyn - Year: 2009	Ansawdd Dwr Ymdrochi: Ardderchog	Water quality: Excellent
Blwyddyn - Year: 2008	Ansawdd Dwr Ymdrochi: Ardderchog	Water quality: Excellent
Blwyddyn - Year: 2007	Ansawdd Dwr Ymdrochi: Ardderchog	Water quality: Excellent
Blwyddyn - Year: 2006	Ansawdd Dwr Ymdrochi: Ardderchog	Water quality: Excellent
Blwyddyn - Year: 2005	Ansawdd Dwr Ymdrochi: Ardderchog	Water quality: Excellent
Blwyddyn - Year: 2004	Ansawdd Dwr Ymdrochi: Ardderchog	Water quality: Excellent
Blwyddyn - Year: 2003	Ansawdd Dwr Ymdrochi: Ardderchog	Water quality: Excellent
Blwyddyn - Year: 2002	Ansawdd Dwr Ymdrochi: Ardderchog	Water quality: Excellent
Blwyddyn - Year: 2001	Ansawdd Dwr Ymdrochi: Da	Water quality: Good
Blwyddyn - Year: 2000	Ansawdd Dwr Ymdrochi: Da	Water quality: Good
Blwyddyn - Year: 1999	Ansawdd Dwr Ymdrochi: Ardderchog	Water quality: Excellent
Blwyddyn - Year: 1998	Ansawdd Dwr Ymdrochi: Da	Water quality: Good
Blwyddyn - Year: 1997	Ansawdd Dwr Ymdrochi: Ardderchog	Water quality: Excellent
Blwyddyn - Year: 1996	Ansawdd Dwr Ymdrochi: Ardderchog	Water quality: Excellent
Blwyddyn - Year: 1995	Ansawdd Dwr Ymdrochi: Da	Water quality: Good
Blwyddyn - Year: 1994	Ansawdd Dwr Ymdrochi: Ardderchog	Water quality: Excellent
Blwyddyn - Year: 1993	Ansawdd Dwr Ymdrochi: Da	Water quality: Good
Blwyddyn - Year: 1992	Ansawdd Dwr Ymdrochi: Da	Water quality: Good
Blwyddyn - Year: 1991	Ansawdd Dwr Ymdrochi: Da	Water quality: Good
Blwyddyn - Year: 1990	Ansawdd Dwr Ymdrochi: Da	Water quality: Good

Tabl Data Table

	Dyddiad Date	intestinal enterococci colonies/100ml	escherichia coli colonies/100ml	total coliform colonies/100ml	faecal coliform colonies/100ml	faecal streptococci colonies/100ml	Safon Classification
1	03/05/13 14:20:00 PM	<10	<10				Uwch / Higher
2	27/05/13 10:44:00 AM	<10	<10				Uwch / Higher
3	22/05/13 11:45:00 AM	<10	<10				Uwch / Higher
4	30/05/13 13:45:00 PM	<10	18				Uwch / Higher
5	04/06/13 14:45:00 PM	<10	<10				Uwch / Higher
6	10/06/13 11:10:00 AM	<10	<10				Uwch / Higher
7	18/06/13 12:40:00 PM	<10	<10				Uwch / Higher
8	27/06/13 13:05:00 PM	<10	36				Uwch / Higher
9	05/07/13 12:00:00 PM	<10	<10				Uwch / Higher

10	14/07/13 14:05:00 PM	<10	<10				Uwch / Higher
11	17/07/13 11:40:00 AM	<10	<10				Uwch / Higher
12	26/07/13 12:55:00 PM	<10	<10				Uwch / Higher
13	01/08/13 15:45:00 PM	<10	55				Uwch / Higher
14	06/08/13 13:20:00 PM	27	220				Isafswm/Minimum
15	12/08/13 11:50:00 AM	27	91				Uwch / Higher
16	22/08/13 12:00:00 PM	<10	<10				Uwch / Higher
17	30/08/13 15:05:00 PM	<10	<10				Uwch / Higher
18	08/09/13 13:00:00 PM	<10	109				Isafswm/Minimum
19	12/09/13 16:10:00 PM	<10	<10				Uwch / Higher
20	17/09/13 10:00:00 AM	90	210				Isafswm/Minimum